



Broj: 10-02-7270-1/23
Zenica, 29.06.2023. godine

**Svim osnovnim i srednjim školama na području Zeničko-dobojskog kantona
putem e-mail adresa**

n/r direktora
n/r predsjednika školskog odbora

Predmet: Pravilnik o korištenju školskih sportskih dvorana na području Zeničko-dobojskog kantona, informacija, dostavlja se

Informišemo Vas, da je dana 27.06.2023. godine u („Službenim novinama Zeničko-dobojskog kantona“, broj: 10/23) objavljen Pravilnik o korištenju školskih sportskih dvorana na području Zeničko-dobojskog kantona.

S obzirom na naprijed navedeno, upućujemo Vas na dosljednu primjenu istog Pravilnika od početka školske 2023/2024. godine.

S poštovanjem,

DOSTAVLJENO:
1 x Naslovu
1 x a/a-07-01.



MINISTRICA
Draženka Subašić

**MINISTARSTVO ZA OBRAZOVANJE,
NAUKU, KULTURU I SPORT**

308.

Na osnovu člana 18. stav (1) i stav (4) Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15 i 8/22), i člana 41. Zakona o sportu – Prečišćeni tekst („Službene novine Zeničko-dobojskog kantona“, broj: 6/17), a u vezi sa članom 112. Zakona o osnovnoj školi („Službene novine Zeničko-dobojskog kantona“, broj: 3/18), i članom 167. Zakona o srednjoj školi („Službene novine Zeničko-dobojskog kantona“, broj: 9/17), Ministarstvo za obrazovanje, nauku, kulturu i sport Zeničko-dobojskog kantona, donosi:

**PRAVILNIK
O KORIŠTENJU ŠKOLSKIH SPORTSKIH
DVORANA NA PODRUČJU
ZENIČKO-DOBOJSKOG KANTONA**

Član 1.

(Predmet pravilnika)

Ovim pravilnikom utvrđuju se uslovi za korištenje sportskih dvorana škola čiji je osnivač Zeničko-dobojski kanton, od strane sportskih klubova i drugih zainteresovanih pravnih i fizičkih lica (rekreativci).

Član 2.

(Molba za korištenje školske sportske dvorane)

- (1) Sportski klub ili zainteresovano pravno ili fizičko lice podnosi molbu školskom odboru za korištenje školske sportske dvorane.
- (2) Uz molbu za korištenje školske sportske dvorane sportski klub je obavezan dostaviti:
 - a) Izvod iz Registra udruženja pri Ministarstvu za pravosuđe i upravu Zeničko-dobojskog kantona koji nije stariji od 90 dana;
 - b) Potvrdu od odgovarajućeg granskog sportskog saveza o aktivnom učešću kluba u takmičenjima za aktuelnu sezonu (mora biti naveden naziv, rang i sistem takmičenja);
 - c) Ime, prezime i kontakt telefon odgovorne osobe.

(3) Zainteresovano pravno ili fizičko lice uz molbu je obavezno dostaviti kontakt telefon i ovjerenu kopiju lične karte odgovorne osobe kojom dokazuje identitet.

(4) Školski odbor će u skladu sa interesima i raspoloživim kapacitetima škole razmotriti molbu i donijeti odluku o podnesenoj molbi za korištenje školske sportske dvorane.

Član 3.

(Ugovor o korištenju školske sportske dvorane)

- (1) Svako korištenje školske sportske dvorane od strane sportskih klubova i drugih zainteresovanih pravnih i fizičkih lica zasniva se na ugovoru između škole i korisnika.
- (2) Ugovorom o korištenju sportske dvorane utvrđuju se:
 - a) obaveze korisnika u smislu poštivanja kućnog reda, održavanja i čuvanja prostorija, inventara i ostale imovine škole;
 - b) obaveza naknade učinjene štete;
 - c) broj sati koje klub može koristiti bez plaćanja naknade kako je propisano članom 6. ovog pravilnika;
 - d) visina naknade za sate korištenja dvorane (broj sati u mjesecu za koje klub plaća naknadu i mjesečni iznos naknade);
 - e) termini korištenja dvorane;
 - f) brojnost grupe koja koristi termin;
 - g) nadležnosti i odgovornosti lica koje je kao predstavnik škole odgovorno za primopredaju dvorane;
 - h) trajanje ugovora;
 - i) uslovi ili okolnosti za raskid ugovora.
- (3) Sadržaj ugovora će biti prilagođen korisnicima školskih sportskih dvorana u skladu sa ovim pravilnikom.

Član 4.

(Trajanje ugovora)

Ugovor se potpisuje na period u maksimalnom trajanju do kraja tekuće školske godine.

Član 5.**(Termini korištenja školske sportske dvorane)**

- (1) Termini korištenja školske sportske dvorane od strane korisnika ne smiju narušavati redovni nastavni proces i vannastavne aktivnosti učenika.
- (2) Školske sportske dvorane mogu se koristiti do 22:00 sati za potrebe treninga i rekreacije, a za odigravanje utakmica u ligaškim i drugim takmičenjima može se po potrebi, produžiti vrijeme korištenja školske sportske dvorane uz odobrenje direktora škole.
- (3) Prioritet u dodjeljivanju termina za korištenje školskih sportskih dvorana u pravilu trebaju imati klubovi višeg ranga takmičenja i složenijeg sistema takmičenja, kao i klubovi osoba sa invaliditetom.
- (4) Zainteresovanim pravnim i fizičkim licima se mogu dodjeljivati samo preostali slobodni termini.

Član 6.**(Besplatni termini korištenja školske sportske dvorane)**

- (1) Zavisno od ranga i sistema takmičenja u koji su uključeni, sportskim klubovima se može dodijeliti određen broj besplatnih sati korištenja školskih sportskih dvorana, i to:
 - a) klubovima koji se takmiče u ligaškim takmičenjima na nivou BiH (Premijer liga BiH, Prva liga BiH) 3 termina po 2 školska časa sedmično, odnosno 18 sati mjesečno;
 - b) klubovima koji se takmiče u ligaškim takmičenjima – Prva liga Federacije, klubovi borilačkih i drugih sportova koji se takmiče po sistemu turnira, 2 termina po 2 školska časa sedmično, odnosno 12 sati mjesečno;
 - c) klubovima koji se takmiče u ligaškim takmičenjima – Druga liga Federacije, Kantonalna liga, 1 termin od 2 školska časa sedmično, odnosno 6 sati mjesečno;
 - d) klubovima osoba sa invaliditetom bez obzira na nivo takmičenja mogu se dodijeliti 3 termina po 2 školska časa sedmično, odnosno 18 sati mjesečno;
 - e) mlađim kategorijama bez obzira na sistem i nivo takmičenja mogu se dodijeliti 3 termina po 2 školska časa sedmično, odnosno 18 sati mjesečno.

- (2) Ukupan broj besplatnih sati odnosi se na sve školske sportske dvorane na području jedne općine/grada.

Član 7.**(Novčana naknada za korištenje školske sportske dvorane)**

- (1) Na osnovu molbe kluba i raspoloživosti slobodnih termina Ugovorom o korištenju školske sportske dvorane utvrđuje se broj sati (mjesečno) i visina naknade korištenja dvorane u novčanom iznosu od 20 KM po jednom terminu, odnosno za 2 školska časa.
- (2) Naknada za sportske klubove osoba sa invaliditetom za sate korištenja školske sportske dvorane iznosi 5 KM po jednom terminu, odnosno za 2 školska časa.
- (3) Iznos naknade za zainteresovana pravna i fizička lica utvrđuje se na osnovu broja sati i cijene od 30 KM po jednom terminu, odnosno za 2 školska časa.
- (4) Iznimno, za korištenje sportske dvorane Srednje tehničke škole „Bilmišće“ u Zenici Za rekreaciju se utvrđuje cijena od 60 KM po jednom terminu, odnosno za 2 školska časa.
- (5) Za utakmice i turnirska takmičenja uz prisustvo gledalaca za koje se ne plaćaju karte utvrđuje se iznos naknade od 30 KM po satu korištenja dvorane.
- (6) Za utakmice i takmičenja uz prisustvo gledalaca za koje se plaćaju ulaznice utvrđuje se iznos naknade od 50 KM po satu korištenja dvorane.
- (7) Za vannastavna takmičenja učenika osnovnih i srednjih škola i studenata korištenje školskih sportskih dvorana je besplatno.
- (8) Sredstva za ove namjene korisnici uplaćuju na jedinstveni račun Trezora Zeničko-dobojskog kantona.

Član 8.**(Raspored korištenja školske sportske dvorane)**

Škole koje izdaju na korištenje sportske dvorane sportskim klubovima, pravnim i fizičkim licima, nakon što se utvrde termini korištenja, dužne su na istaknutom mjestu na ulazu u sportsku dvoranu postaviti sedmični raspored korištenja dvorane.

Član 9.

(Raspolaganje prihodom po osnovu izdavanja školskih sportskih dvorana)

Škole koje izdaju na korištenje sportske dvorane sportskim klubovima i drugim zainteresovanim pravnim i fizičkim licima imaju mogućnost da iz ostvarenog vlastitog prihoda po osnovu izdavanja školskih sportskih dvorana planiraju sredstva za naknadu radnicima angažovanim na dodatnim poslovima čišćenja i održavanja dvorane u vidu prekovremenog rada, kao i za sufinansiranje dijela materijalnih troškova.

Član 10.

(Stupanje na snagu)

Pravilnik stupa na snagu narednog dana od dana objave u “Službenim novinama Zeničko-dobojskog kantona”, a primjenjivat će se od školske 2023/2024. godine, čime prestaje sa primjenom Pravilnik o korištenju školskih sportskih dvorana na području Zeničko-dobojskog kantona („Službene novine Zeničko-dobojskog kantona“, broj: 5/08, 14/09).

Broj: 10-02-7270/23
Datum, 09.06.2023. godine
Zenica

MINISTRICA
Draženka Subašić, s.r.

.....

309.

Na osnovu člana 18., stav (1) Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15, 8/22), a u vezi sa članom 17. Zakona o predškolsstvu („Službene novine Zeničko-dobojskog kantona“, broj: 7/10, 8/12) i članom 2. i 13. Pravilnika o postupku utvrđivanja uslova i o sadržaju i načinu vođenja Registra predškolskih ustanova („Službene novine Zeničko-dobojskog kantona“, broj: 8/11), Ministarstvo za obrazovanje, nauku, kulturu i sport, objavljuje:

Spisak verifikovanih predškolskih ustanova s područja Zeničko-dobojskog kantona upisanih u Registar predškolskih ustanova

U ovaj spisak se upisuju predškolske ustanove s područja Zeničko-dobojskog kantona, i to:

1. **Javna ustanova za predškolski odgoj i obrazovanje „Mladost“ Kakanj**, upisana je u Registar predškolskih ustanova pod rednim brojem 3., na strani 006. i 007. Predškolska ustanova „Mladost“ u Kakanju ispunjava uslove za njegu, odgoj i obrazovanje djece predškolskog uzrasta u skladu s Cjelovitim razvojnim programom.
2. **JPU „Dječije obdanište Vareš“ Vareš**, upisana je u Registar predškolskih ustanova pod rednim brojem 4, na strani 008. i 009. Javna predškolska ustanova „Dječije obdanište Vareš“ Vareš ispunjava uvjete za njegu, odgoj i obrazovanje djece predškolskog uzrasta u skladu s Cjelovitim razvojnim programom.
3. **Javna ustanova predškolski odgoj i obrazovanje Zenica, Zenica** upisana je u Registar predškolskih ustanova pod rednim brojem 5., na strani 010. i 011. Javna ustanova predškolski odgoj i obrazovanje Zenica ispunjava uslove za njegu, odgoj i obrazovanje djece predškolskog uzrasta u skladu s Cjelovitim razvojnim programom.
4. **Javna ustanova za predškolsko obrazovanje i vaspitanje „Umihana Čuvidina“ Breza**, upisana je u Registar predškolskih ustanova pod rednim brojem 7., na strani 014. i 015. Javna ustanova za predškolski obrazovanje i vaspitanje „Umihana Čuvidina“ Breza u Brezi ispunjava uslove za njegu, odgoj i obrazovanje djece predškolskog uzrasta u skladu s Cjelovitim razvojnim programom.
5. **Javna ustanova „Gradski dječiji vrtić“ Zavidovići**, upisana je u Registar predškolskih ustanova pod rednim brojem 10., na strani 020. i 021. Javna ustanova „Gradski dječiji vrtić“ u Zavidovićima ispunjava uslove za njegu, odgoj i obrazovanje djece predškolskog uzrasta u skladu s Cjelovitim razvojnim programom.
6. **Javna ustanova za predškolski odgoj i obrazovanje, Visoko**, upisana je u Registar predškolskih ustanova pod rednim brojem 11., na strani 024. i 025. Javna ustanova za predškolski odgoj i obrazovanje u Visokom ispunjava uslove za njegu, odgoj i obrazovanje djece predškolskog uzrasta u skladu s Cjelovitim razvojnim programom.
7. **Dječiji vrtić „Don Ivica Čondrić“ Žepče**, upisana je u Registar predškolskih ustanova pod rednim brojem 12., na strani 026. i 027. Dječiji vrtić „Don Ivica Čondrić“ u Žepču ispunjava uslove za njegu, odgoj i obrazovanje djece predškolskog uzrasta u skladu s Cjelovitim razvojnim programom.